

## **«Digital Ustaz Aktobe» байқауының ЕРЕЖЕСІ**

### **1. Жалпы ереже**

1.1. Осы «**Digital Ustaz Aktobe**» облыстық педагогтер конкурсын өткізу туралы ереже (бұдан әрі-Ереже) Қазақстан Республикасы Үкіметінің 2021 жылғы 12 қазандағы № 726 қаулысымен бекітілген «Білімді ұлт» сапалы білім беру» ұлттық жобасының мақсаттары мен міндеттеріне сәйкес әзірленді.

1.2. Ереже анықтайды:

- қатысу шарттары, қатысушыларға, құжаттар мен материалдарға қойылатын талаптар;
- конкурстың форматы, тәртібі және регламенті;
- байқау кезеңдерінің мазмұны;
- финалистер мен байқау жеңімпазын марапаттау тәртібі.

1.3. Ұйымдастырушы Ақтөбе облысының білім басқармасы.

**Байқаудың мақсаты – сандық білім беру арқылы педагогтердің таланты мен шығармашылық әлеуетін анықтау, озық педагогикалық тәжірибені тарату, педагог мәртебесін арттыру.**

### **2. Ұйымдастыру комитеті және оның функциялары**

2.1. Конкурсты ұйымдастыру және өткізу үшін ұйымдастыру комитеті құрылады, оның құрамына білім басқармасының, Ақтөбе қаласы Педагогикалық шеберлік орталығы, Қ.Жұбанов атындағы Ақтөбе өңірлік университеті, Ақтөбе облыстық ғылыми-практикалық орталығының өкілдері кіреді.

2.2. Ұйымдастыру комитетінің қызметі:

- байқауды өткізуге дайындық бойынша ұйымдастыру жұмысы;
- қатысушыларды тіркеу және байқауға қатысушылардың құрамын жасау.
- байқау комиссиясымен бірлесіп байқау жұмыстарды бағалау өлшемшарттарын әзірлеу;
- байқау жұмыстардың академиялық адалдық қағидаттарына сәйкестігін тексеру;
- әрбір байқау кезеңнің мақсаттары мен міндеттерін түсіндіру үшін орнату сессияларын өткізу;
- байқауға қатысушыларға байқау кезеңдері туралы кеңес беру;
- панельдік талқылауды дайындау.
- байқау материалдарын қабылдау және оларды Байқау комиссиясына беру.

### **3. I кезең «Менің оқыту философиям»**

3.1. «Менің оқыту философиям» тақырыбында мультимедиялық мақала форматында өзінің педагогикалық ұстанымын ұсыну, 2022 жылғы 21

қарашаға дейін;

3.2. Қатысушылар өз пәні шеңберінде тиімді оқыту және тәрбиелеу қағидаттары туралы өз көзқарастарын ұсынады (мақала);

3.3. Мақала қолжетімді (оның ішінде меншікті) аудио -, бейне -, графикалық, мәтіндік немесе өзге де цифрлық ресурстарды пайдалана отырып, мультимедиялық мақала форматында ұсынылуы тиіс;

3.4. Растау ретінде байқауға қатысушының мақаласында білім беру қызметіндегі жеке кәсіби жетістіктері, оқушыларды оқыту мен тәрбиелеуді дамытудың нәтижелері, педагогтің соңғы 3 жылдағы мектептің, облыстың білім беру жүйесін дамытуға қосқан үлесі міндетті түрде қамтылуға тиіс;

3.5. Қатысушының ұсынылған жұмысы Байқау комиссиясының мүшелерінің белгіленген мерзімде қатысушының жеке кабинетінде көрсетілген сілтеме бойынша бағалауы үшін қолжетімді болуы тиіс.

#### **Критерийлері:**

- білім берудегі жаһандық заманауи трендтерді білуі;
- оқыту проблемаларын жеке талдай алуы және тиімді оқыту қағидаттарына өзіндік негізделген пайымдамасының болуы;
- мультимедиялық мақаланың талаптарына сәйкестігі.

3.6. Бірінші кезеңнің байқау жұмыстарын бағалауды Байқау комиссиясы жүзеге асырады - 2022 жылғы 22-30 қараша аралығында. Байқаудың екінші кезеңінің қатысушыларын хабарлау – **1 желтоқсан 2022 ж.**

## **4. II кезең «Кәсіби мұғалім»**

4.1. Байқаудың екінші кезеңіне өткен қатысушы өз пәні бойынша сабақ өткізеді. Сабақтың ұзақтығы - **45 минут**. Байқауға қатысушы Байқау комиссиясының мүшелерінің қатысуымен басқа мектептің оқушыларымен сабақ өткізеді. Сабақ видеохостинг үлгісінде **YouTube** желісінде трансляцияланады.

#### **4.2. Критерийлері:**

- сабақтың мақсаттарына жету үшін оқытудың тиімді заманауи стратегияларын қолдану;
- сабақта оқытуға берілген тәсілді тиімді қолдану;
- сабақта әртүрлі сандық ресурстар мен материалдарды тиімді және орынды пайдалану.

## **5. III кезең. Авторлық шебер-класы: «Мен - Көшбасшы -Мұғалім»**

5.1. Үшінші кезеңге өткен байқаудың финалистері өздерінің педагогикалық тәжірибесі мен шеберліктерін таныстыру мақсатында авторлық шебер-класын өткізеді.

#### **5.2. Бағалаудың жалпы критерийлері**

- қалыптасқан стереотиптерді бұзатын оқыту философиясына жаңа көзқарас;
- пікір алмасуға мүмкіндік беретін шағын топтардағы өзіндік жұмыс әдісі;
- проблемалық тапсырманы қою және оны әртүрлі жағдайларды жеңу арқылы шешу;
- байқауға қатысушының да, шебер-класс қатысушылардың да шығармашылық әлеуетін ашатын әдіс-тәсілдері;
- өзара іс-қимыл нысаны - ынтымақтастық, бірлесіп құру, бірлескен іздеу.

## **6. Байқау комиссиясы және оның қызметі**

6.1. Байқау комиссияның құрамына педагогикалық шеберлік конкурстарына қатысу тәжірибесі бар ғылыми қоғам өкілдері, «Үздік педагог» республикалық конкурсының жеңімпаздары, қоғамдық ұйымдардың өкілдері кіреді.

### **Байқау комиссиясының қызметі:**

- ✓ ұйымдастыру комитетімен бірлесіп байқау жұмыстарының бағалау өлшемшарттарын әзірлеу;
- ✓ байқаудың белгіленген критерийлеріне сәйкес байқау жұмыстарын, шебер-класстарды және көрсетілімдік сабақтарды зерделеу және бағалау;
- ✓ байқау қорытындысын шығару, жүлдегерлер мен жеңімпаздарды анықтау.

## **7. Қатысу шарттары, қатысушыларға, құжаттар мен материалдарға қойылатын талаптар**

7.1. Байқауға Ақтөбе облысының 30 жасқа дейінгі білім беру ұйымдарының педагогтері қатыса алады. Байқауға қатысу үшін:

- Ақтөбе облысының білім беру ұйымдарында 30 жасқа дейін 2022 жылдың 1 қыркүйегін қоса алғанда жұмыс істеуі;
- байқау сайтында электрондық тіркеуден өтіп, қажетті сауалнаманы толтырады;
- барлық байқау жұмыстары академиялық адалдық қағидаттарына сәйкестігі тексеріледі;
- жұмыстары тексеруден өтпеген авторлар конкурсқа қатысуға жіберілмейді;
- тіркеу мерзімі аяқталғаннан кейін ұйымдастыру комитеті құжаттар тізбесі бойынша ұсынылған педагогтердің тіркеу деректерін толтырудың дұрыстығын тексереді және байқауға қатысушылардың құрамын қалыптастырады.
- 

## **8. Байқаудың форматы, тәртібі және регламенті**

8.1. Байқау үш кезеңде өтеді. Байқау тапсырмалары Байқаудың веб-сайтында және қатысушының жеке кабинетінде жарияланады.

8.2. Әрбір тапсырманы орындамас бұрын барлық қатысушылар конкурстық кезеңнің мақсаттары мен міндеттерін түсіндіру үшін орнату сессиясына қатысады.

8.3. Байқау кезеңдері:

кезең	Сипаттамасы
1	<p>1) Тіркелген және қатысуға жіберілген қатысушылар байқаудың бірінші кезеңінің тапсырмасын түсіндіру жөніндегі орнату сессиясына онлайн-форматта қатысады.</p> <p>2) Байқауға қатысушылар мультимедиялық мақала форматында «Менің оқыту философиям» тақырыбы бойынша Байқау комиссиясына өзінің бірінші кезеңдегі жұмысын ұсынады.</p>
	<p>3) Байқау комиссиясы мультимедиялық мақалаға қойылатын критерийлерге сәйкес байқау жұмыстарын зерделейді және бағалайды. Жұмыстары ең жоғары баллға ие болған қатысушы байқаудың екінші кезеңіне өтеді.</p>
2	<p>1) Екінші кезеңге өткен байқауға қатысушылар «<b>Кәсіби мұғалім</b>» байқауының екінші кезеңінің тапсырмасын түсіндіру бойынша орнату сессиясына қатысады.</p> <p>2) Байқауға қатысушылар алдын ала айтылған оқыту тәсілін қолдана отырып, Байқау комиссиясы мүшелерінің алдында көрсетілім сабағын өткізеді. Сабақтың жазбасы <b>YouTube</b> арналарында орналастырылады.</p> <p>3) Байқау комиссиясы көрсеткіштік сабақты бағалау критерийлеріне сәйкес байқаудың үшінші кезеңіне өтетін финалистерді іріктейді.</p>
3	<p>1) Үшінші кезеңге өткен байқау финалистер байқаудың үшінші кезеңінің тапсырмасын түсіндіру бойынша орнату сессиясына қатысады.</p> <p>2) Әрбір финалист өзінің педагогикалық тәжірибесі мен шеберлігін таныстыру мақсатында «<b>Мен – көшбасшы - мұғалім</b>» авторлық шеберлік сыныбын өткізеді.</p> <p>3) Байқау комиссиясы «шебер-класс» форматының мазмұнына қойылатын өлшемшарттарға сәйкес неғұрлым жоғары баллдары бар қатысушыларды айқындайды.</p> <p>4) Білім басқармасы басшысының қатысуымен байқау финалистерімен «Қазіргі білім берудің өзекті міндеттерін талқылау» тақырыбы көлемінде панельдік пікірталас өткізіледі.</p> <p>Пікірталасқа қатысу баллдық жүйе бойынша бағаланады. Байқаудың барлық кезеңдерінің нәтижелері бойынша Байқау комиссиясы Байқаудың жеңімпазы мен жүлдегерлерін айқындайды. Байқау жеңімпазы мен жүлдегерлерін хабарландыру және марапаттау.</p>

## 9. Байқау кезеңдерінің мазмұны.

### 9.1. Байқауға қатысушыларды тіркеу:

- онлайн-тіркеуді өткізу мерзімі 2022 жылғы 22 қарашаға дейін қоса алғанда;
- байқауға қатысуға ниет білдірген барлық педагогтер Байқау платформасына тіркеліп **aonpc.kz**, нысан бойынша қатысуға өтінім береді (қатысушы туралы жалпы мәліметтер, жұмыс орны, лауазымы, біліктілігі, өтілі), жұмыс орнынан анықтама қоса береді;
- байқаудың бірінші кезеңінің мақсаттарын, міндеттері мен критерийлерін түсіндіру бойынша орнату сессиясы 2022 жылғы 7 қарашада онлайн-конференция форматында өтеді.
- байқаудың салтанатты ашылуы мен жабылуын дайындау.